



« 09 » март 2020 yil

Урганч ш.

№ 93к

Нусха № \_\_\_\_

Ўзбекистон Республикаси Президентининг 2020 йил 6 мартдаги “Ўзбекистон Республикаси фуқароларини ҳарбий хизматга чақириш тартибини янада такомиллаштириш чора-тадбирлари тўғрисида”ги ПҚ-4630-сон қарорининг ижроси ҳақида

Ўзбекистон Республикаси Президентининг 2020 йил 6 мартдаги “Ўзбекистон Республикаси фуқароларини ҳарбий хизматни чақириш тартибини янада такомиллаштириш чора-тадбирлари тўғрисида”ги ПҚ-4630-сон қарорининг ижросини таъминлаш мақсадида

#### Қарор қиламан:

1. Ўзбекистон Республикаси Президентининг 2020 йил 6 мартдаги “Ўзбекистон Республикаси фуқароларини ҳарбий хизматни чақириш тартибини янада такомиллаштириш чора-тадбирлари тўғрисида”ги ПҚ-4630-сон қарори раҳбарлик ва ижро учун қабул қилинсин.

2. Ўзбекистон Республикаси Президентининг мазкур қарори билан:

фуқароларни муддатли ҳарбий ва муқобил хизматларга чақириш, сафарбарлик чақируви резервидаги хизматга олиш бўйича комиссиялар фаолиятини ташкил этиш тартиби тўғрисидаги низом 1-иловага мувофиқ тасдиқланганлиги;

Қуйидагилар:

а) Раҳбарият кенгашининг асосий вазифалари этиб:

чақирилувчиларни муддатли ҳарбий хизматга чақириш тадбирларини сифатли ташкил этиш;

чақирилувчиларнинг жисмоний тайёргарлиги, фикрлаш қобилияти, тафаккури, фидойилиги, қизиқишлари ва бошқа хусусиятларини инобатга олган ҳолда, улар бутлаш комиссияси томонидан кўшин турларига тўғри тайинланганлигига баҳо бериш;

ҳарбий-тиббий комиссия томонидан соғлиги бўйича ҳарбий хизматга яроқли деб топилган чақирилувчиларни Куролли Кучлар кўшин тури

командаларига тайинлаш (ёки турли сабабларга кўра командаларга тайинланмаганлиги) бўйича қарор қабул қилиш;

чақирилувчиларни муддатли ҳарбий хизматга чақириш;

махаллий ижро этувчи ҳокимият органлари ва жамоат ташкилотлари томонидан чақирилувчиларни йиғиш ва тантанали равишда ҳарбий қисмларга юбориш бўйича тадбирлар ўтказилишида ўзаро ҳамкорликни ташкил этиш;

бутлаш комиссияси, ҳарбий-тиббий комиссия, ҳудудий тиббий комиссия учун жойларда зарур шарт-шароитларни яратиш, дори воситалари, тиббий буюмлар ва бошқа моддий-техник воситалар билан таъминлаш, жамоат тартибини сақлаш ишларини ташкил қилиш;

муддатли ҳарбий хизматга чақириш ишларининг ошкоралигини, шунингдек, чақирувга оид тадбирларнинг оммавий ахборот воситаларида кенг ёритилишини таъминлаш;

ҳарбий-тиббий комиссия, бутлаш комиссияси ва ҳудудий тиббий комиссия қарорларидан норози бўлган чақирилувчиларнинг шикоятларини кўриб чиқиш ва ечими бўйича тегишли қарор қабул қилиш;

Ўзбекистон Республикаси Қуролли Кучлари сафидан турли сабабларга кўра қайтарилган муддатли ҳарбий хизматчилари бўйича текширув ўтказиш ва тегишли чора-тадбирлар белгилаш;

б) Ҳарбий-тиббий комиссиянинг асосий вазифалари этиб:

Бутлаш комиссияси томонидан қўшин турларига тайинланган чақирилувчиларни чуқурлаштирилган тиббий кўрикдан ўтказиш;

шифокор-мутахассислар томонидан чақирилувчиларнинг ҳисоб карталарига киритилган ёзув ва хулосаларнинг тўғрилигини текшириш;

Раҳбарият кенгаши раиси билан ҳамкорликда чақирилувчиларни қўшимча текширув ва даволашга йўналтириш, шунингдек, қўшимча текширув ва даволашдан кейин уларнинг қайтишларини назоратга олиш;

чақирилувчиларнинг соғлиги даражаси бўйича ҳарбий хизматга яроқлилиги юзасидан якуний тиббий хулоса бериш;

тиббий комиссия фаолияти жараёнида йўл қўйилган камчиликлар таҳлилини инобатга олган ҳолда, ҳарбий-тиббий комиссия шифокор-мутахассислари билан кенгашлар ўтказиш;

Қуролли Кучларни бутлаш якуни бўйича тиббий комиссия иши натижаларини умумлаштириш, ҳисобот тайёрлаш ва белгиланган тартибда Раҳбарият кенгаши раиси, Ўзбекистон Республикаси Мудофаа вазирлиги ва Соғлиқни сақлаш вазирлигига тақдим этиш;

в) Бутлаш комиссиясининг асосий вазифалари этиб:

муддатли ҳарбий хизматга юбориш учун тавсия этилган ва ҳудудий тиббий комиссия томонидан ҳарбий хизматга яроқли деб топилган чақирилувчилар билан суҳбат ўтказиш, соғлиги даражаси, жисмоний тайёргарлиги, фикрлаш қобилияти ва бошқа хусусиятларини инобатга олган ҳолда, қўшин турларига тайинлаш бўйича қарор қабул қилиш;

қабул қилинган қарорларни чақирилувчилар йиғма жилдидаги тегишли

саҳифага белгиланган тартибда расмийлаштириш ва имзолаш;

чақирилувчиларни муддатли ҳарбий хизматга чақириш ишларининг ошкоралиги ва холислигини таъминлаш;

жойлардаги тегишли идоралар, маҳаллий ижро этувчи ҳокимият органлари ва жамоат ташкилотларининг чақирилувчиларни йиғиш ва уларни тантанали равишда ҳарбий қисмларга юбориш бўйича тадбирларни ўтказишда ўзаро ҳамкорлигини ташкил этиш;

чақирилувчилар, уларнинг ота-оналарининг чақирувга оид мурожаатларини ўз вақтида кўриб чиқиш ва тегишли қарор қабул қилиш;

г) Худудий комиссиянинг асосий вазифалари этиб:

чақирилувчиларни муқобил хизматга чақириш, сафарбарлик чақируви резерви хизматига олиш, ҳарбий хизматга чақиришни кечиктириш ва Ўзбекистон Республикаси Қуролли Кучлари захирасига ўтказиш;

чақирилувчиларни йиғиш, муқобил хизматга юбориш, сафарбарлик чақируви резервидаги хизматга олиш ҳамда Қуролли Кучлар резервиге бўшатишган ҳарбий хизматчиларни доимий яшаш жойларига қайтаришга оид тадбирларни тантанали равишда ўтказишда маҳаллий ижро этувчи ҳокимият органлари ва жамоат ташкилотлари билан ўзаро ҳамкорлигини ташкил этиш;

чақирилувчиларни муддатли ҳарбий ва муқобил хизматга чақириш, сафарбарлик чақируви резервидаги хизматга олиш, Қуролли Кучлар резервиге бўшатишган ҳарбий хизматчиларни доимий яшаш жойларига қайтариш бўйича тадбирларни ташкил этиш;

худудий комиссиялар фаолияти ва чақирувнинг ошкоралигини таъминлаш;

д) Худудий тиббий комиссияларнинг асосий вазифалари этиб:

чақирилувчиларни бирламчи тиббий кўрикдан ўтказиш;

руҳий-асаб касалликлари, наркологик, тери-таносил диспансерлари, ОИТСга қарши курашиш ва санитария-эпидемиология осойишталиги, фтизиатрия ва пульмонология марказлари рўйхатида турувчи чақирилувчилар тўғрисида маълумотга эга бўлиш;

чақирилувчиларни қўшимча текширув ва даволашга йўналтириш, қўшимча текширув ва даволашдан сўнг уларнинг тиббий комиссияга келишларини назоратга олиш;

чақирилувчиларнинг соғлиги даражаси бўйича ҳарбий хизматга яроқлилиги юзасидан хулоса бериш;

тиббий кўрикдан ўтказишни сифатли ва холисона амалга ошириш мақсадида мунтазам равишда тиббий комиссия аъзолари билан йўл қўйилган камчиликларни бартараф этиш борасида кенгашлар ўтказиб бориш;

чақирилувчиларни тиббий кўрикдан ўтказиш натижалари бўйича ҳисобот тайёрлаш ва ушбу ҳисоботни ҳарбий-тиббий комиссия, Ўзбекистон Республикаси Соғлиқни сақлаш вазирлиги худудий бошқармаси (органлари) ҳамда мудофаа ишлари бошқармасига тақдим этиш белгиланганлиги раҳбарлик ва ижро учун қабул қилинсин.

3. Вилоятда чакирув тадбирларини сифатли ташкил этиш, фуқароларни муддатли ҳарбий ва муқобил хизматларга чакириш, сафарбарлик чакируви резервидаги хизматга олиш бўйича қуйидаги комиссиялар тузилсин:

а) муддатли ҳарбий хизматга чакириш учун:

вилоят мудофаа ишлари бошқармаси ҳузурида Раҳбарият кенгаши (кейинги ўринларда - Раҳбарият кенгаши) 2-иловага мувофиқ;

вилоят йиғиш пунктларида ҳарбий-тиббий комиссия (кейинги ўринларда - ҳарбий-тиббий комиссия) 3-иловага мувофиқ;

4. Шаҳарлар ва туманлар ҳокимликлари:

а) туман (шаҳар) мудофаа ишлари бўлимлари ҳузурида Қуролли Кучларни бутлаш комиссияси (кейинги ўринларда - бутлаш комиссияси);

б) муқобил хизматга чакириш, сафарбарлик чакируви резерви хизматига олиш, ҳарбий хизматга чакиришни кечиктириш ва Ўзбекистон Республикаси Қуролли Кучлари захирасига ўтказиш учун - туман (шаҳар) мудофаа ишлари бўлимлари ҳузурида ҳудудий комиссия (кейинги ўринларда - ҳудудий комиссия);


в) чакирилувчиларни тиббий кўрикдан ўтказиш, соғлиги даражасини аниқлаш ва даволанишга йўналтириш учун - мудофаа ишлари бўлимлари ҳузурида ҳудудий тиббий комиссия (кейинги ўринларда - ҳудудий тиббий комиссия) таркибини тасдиқласин.

Чакирув ёшдаги фуқароларнинг муддатли ҳарбий хизматга чакирилишини ташкил этиш бўйича ҳудудий комиссияларга зарур шарт-шароитлар яратган ҳолда уларнинг тўлиқ таркибида доимий ишлашини таъминласин.

5. Вилоят ҳокимининг 2020 йил 28 февралдаги “�збекистон Республикаси Президентининг 2020 йил 26 февралдаги “�збекистон Республикаси фуқароларининг муддатли ҳарбий хизматга навбатдаги чакируви ҳамда белгиланган хизмат муддатини ўтаб бўлган ҳарбий хизматчиларни Қуролли Кучлар резервига бўшатиш тўғрисида”ги ПҚ-4618-сон қарорининг ижроси ҳақида”ги 82қ-сонли қарорининг 2 ва 3-иловалари ўз кучини йўқотган деб ҳисоблансин.

6. Ушбу қарорнинг бажарилишини назорат қилиш вилоят ҳокимининг молия-иқтисодиёт ва камбағалликни қисқартириш бўйича биринчи ўринбосари К.Игамбергенов ва вилоят ҳокимлиги гуруҳ раҳбари Ф.Юлдашев зиммасига юклатилсин.

Вилоят ҳокими



Ф.Эрманов

**Фуқароларни муддатли ҳарбий ва муқобил хизматларга чақириш,  
сафарбарлик чақируви резервидаги хизматга олиш бўйича  
комиссиялар фаолиятини ташкил этиш тартиби тўғрисида  
НИЗОМ**

**1-боб. Умумий қоидалар**

1. Мазкур Низом “Умумий ҳарбий мажбурият ва ҳарбий хизмат тўғрисида”ги Ўзбекистон Республикасининг Қонунига мувофиқ ўтказиладиган чақирув ёшидаги фуқароларни (кейинги ўринларда – чақирилувчилар) муддатли ҳарбий ва муқобил хизматларга чақириш, сафарбарлик чақируви резервидаги хизматга олиш бўйича комиссиялар фаолиятини ташкил этиш тартибини белгилайди.

2. Ўзбекистон Республикаси Президентининг фуқароларни ҳарбий хизматга навбатдаги чақируви ва муддатли ҳарбий хизмат муддатини ўтаб бўлган ҳарбий хизматчиларни Қуролли Кучлар резервига бўшатиш бўйича қарори эълон қилинганидан сўнг Раҳбарият кенгаши, ҳарбий-тиббий комиссия, бутлаш комиссияси, ҳудудий комиссия ва ҳудудий тиббий комиссиялар таркиби ҳамда уларнинг фаолиятини ташкил этиш бўйича чора-тадбирлар тегишлича Қорақалпоғистон Республикаси Вазирлар Кенгаши раиси, вилоятлар, Тошкент шаҳар ва туман (шаҳар) ҳокимлари томонидан тасдиқланади.

3. Раҳбарият кенгаши, ҳарбий-тиббий комиссия, бутлаш комиссияси, ҳудудий комиссия ва ҳудудий тиббий комиссиялар ўз фаолиятини Ўзбекистон Республикаси Конституцияси ва қонунлари, Ўзбекистон Республикаси Олий Мажлиси палаталарининг қарорлари, Ўзбекистон Республикаси Президентининг фармонлари, қарорлари ва фармойишлари, Ўзбекистон Республикаси Вазирлар Маҳкамасининг қарорлари ва фармойишлари, бошқа норматив-ҳуқуқий ҳужжатлар, Ўзбекистон Республикаси Мудофаа вазирлигининг идоравий норматив-ҳуқуқий ҳужжатлари ҳамда мазкур Низомга мувофиқ амалга оширади.

Ҳарбий-тиббий комиссия ва ҳудудий тиббий комиссиялар Ўзбекистон Республикаси Президентининг 2018 йил 25 декабрдаги “Ўзбекистон Республикаси Қуролли Кучларида тинчлик ва уруш даврида тиббий кўрикдан ўтказиш тўғрисидаги низомни тасдиқлаш ҳақида”ги ПҚ–4076-сон қарори ва соҳага оид бошқа қонун ҳужжатларига мувофиқ чақирилувчиларни тиббий кўрикдан ўтказишни ташкил этади, тиббий кўрикдан ўтказди, тиббий кўрик натижаси бўйича ҳулосалар беради ва ҳужжатларни расмийлаштиради.

4. Ҳарбий округ кўшинлари қўмондонлари чақирилувчиларни ҳарбий хизматга чақириш тадбирларининг ўтказилишига умумий раҳбарлик қилади, шунингдек, Раҳбарият кенгаши, ҳарбий-тиббий комиссия, бутлаш комиссияси, ҳудудий комиссия ва ҳудудий тиббий комиссияларнинг самарали фаолият юритиши учун шахсан масъулдир.

5. Фуқароларни муддатли ҳарбий ва муқобил хизматларга чақириш, сафарбарлик чақируви резервидаги хизматга олиш бўйича комиссиялар фаолияти ушбу Низомга иловага мувофиқ схема бўйича ташкил этилади.

**2-боб. Фуқароларни муддатли ҳарбий ва муқобил хизматларга чақириш, сафарбарлик чақируви резервидаги хизматга олиш бўйича комиссиялар таркиби**

6. Раҳбарият кенгаши таркибига қуйидагилар киради:

а) кенгаш раиси – ҳарбий округ қўшинлари қўмондони ўринбосари (ҳарбий-маъмурий сектор раҳбарининг ўринбосари);

б) кенгаш аъзолари:

Қорақалпоғистон Республикаси ички ишлар вазири, Тошкент шаҳар ва Тошкент вилояти ички ишлар бош бошқармалари ҳамда вилоятлар ички ишлар бошқармалари бошлиқларининг ўринбосарлари;

Қорақалпоғистон Республикаси фавқулодда вазиятлар бошқармаси, Тошкент шаҳар ва вилоят бошқармаси бошлиқларининг ўринбосарлари;

Ўзбекистон Республикаси Давлат хавфсизлик хизмати Чегара қўшинлари вакили;

Ўзбекистон Республикаси Миллий гвардияси вакили;

ҳарбий округ бошқарма, хизмат ва бўлим бошлиқлари;

мудофаа ишлари бошқармалари бошлиқлари;

в) кенгаш котиби – Ўзбекистон Республикаси Мудофаа вазирлигининг ўрта тиббий маълумотга эга бўлган вакили.

7. Ҳарбий-тиббий комиссия таркибига қуйидагилар киради:

а) комиссия раиси – Ўзбекистон Республикаси Мудофаа вазирлиги ҳарбий госпиталининг шифокор-мутахассиси;

б) комиссия аъзолари:

Ўзбекистон Республикаси Мудофаа вазирлиги ҳарбий госпиталидан терапевт, жарроҳ ва невропатолог;

Соғлиқни сақлаш вазирлиги ҳудудий бошқармаларидан (органларидан) оториноларинголог, офтальмолог ва психиатр.

8. Бутлаш комиссияси таркибига қуйидагилар киради:

а) комиссия раиси – ҳарбий округ бошқарма, хизмат ва бўлим бошлиқлари, ҳарбий қисм командирлари ва уларнинг ўринбосарлари;

б) комиссия аъзолари – Ўзбекистон Республикаси Ички ишлар вазирлиги, Фавқулодда вазиятлар вазирлиги, Давлат хавфсизлик хизмати Чегара қўшинлари, Миллий гвардияси вакиллари.

9. Ҳудудий комиссия таркибига қуйидагилар киради:

а) комиссия раиси – туман (шаҳар) ҳокимининг ўринбосари;

б) комиссия раисининг ўринбосари – мудофаа ишлари бўлими бошлиғи;

в) комиссия аъзолари:

туман (шаҳар) ички ишлар бўлими бошлиғининг ўринбосари;

фуқароларнинг ўзини ўзи бошқариш органлари фаолиятини мувофиқлаштирувчи туман (шаҳар) кенгаши раисининг биринчи ўринбосари;

тиббий комиссия катта шифокори;

г) комиссия котиби – мудофаа ишлари бўлими бўлинма бошлигининг ёрдамчиси.

10. Худудий тиббий комиссия таркибига туман (шаҳар) тиббиёт бирлашмаларидан ажратиладиган жарроҳ, терапевт (катта шифокор вазифаси жарроҳ ёки терапевт зиммасига юкланади), дерматовенеролог, стоматолог, офтальмолог, оториноларинголог, психиатр ва невропатолог киради.

11. Қуйидагилар ўз фаолиятини ҳар йили:

туман (шаҳар) мудофаа ишлари бўлимлари ҳузуридаги худудий тиббий комиссиялар – 15 февралдан 30 апрелгача;

туман (шаҳар) мудофаа ишлари бўлимлари ҳузуридаги бутлаш комиссиялари – 15 февралдан 30 апрелгача;

Қорақалпоғистон Республикаси, вилоятлар ва Тошкент шаҳар йиғиш пунктларида ҳарбий-тиббий комиссиялар – 20 февралдан 30 апрелгача;

Қорақалпоғистон Республикаси, вилоятлар ва Тошкент шаҳар мудофаа ишлари бошқармалари ҳузуридаги Раҳбарият кенгаши – 20 февралдан 30 апрелгача;

туман (шаҳар) мудофаа ишлари бўлимлари ҳузуридаги худудий комиссиялар – 1 мартдан 30 апрелгача амалга оширади.

### **3-боб. Фуқароларни муддатли ҳарбий ва муқобил хизматларга чақириш, сафарбарлик чақируви резервидаги хизматга олиш бўйича комиссияларнинг ҳуқуқлари ва жавобгарлиги**

12. Раҳбарият кенгаши:

ҳар бир фуқаро бўйича қабул қилинадиган қарор ва ҳулосаларга нисбатан ўз фикрини билдириш;

бутлаш комиссияси томонидан кўшин турларига тайинлаш бўйича қабул қилинган қарорларни кўриб чиқиш ва бекор қилиш;

мажбуриятларни бажариш билан боғлиқ келиб чиққан низоларни томонларнинг келишуви ёки суд орқали ҳал қилиш ҳуқуқига эга.

Раҳбарият кенгаши қонун ҳужжатларига мувофиқ бошқа ҳуқуқларга ҳам эга бўлиши мумкин.

13. Раҳбарият кенгаши:

кенгаш фаолияти ҳамда қарор қабул қилиш жараёнида бевосита иштирок этиш;

ўз иш фаолиятининг ошқоралиги, фуқаролар учун очиклиги, улар томонидан қабул қилинаётган қарорларнинг ҳолислигини таъминлаш;

махаллий ижро этувчи ҳокимият органлари ва жамоат ташкилотлари билан ҳамкорликда ҳарбий хизматга чақириладиган чақирилувчиларни йиғиш, ҳарбий қисмларга тантанали равишда кузатиш, Куролли Кучлар резервига бўшатиш билан ҳарбий хизматчиларни яшаш жойларида тантанали кутиб олиш бўйича ўтказиладиган тадбирлар юқори савияда ўтишини ташкил этиш;

йиғиш ва чақирув пунктларида чақирув тадбирларини ўтказиш учун тайёргарлик ишларини ташкил этиш;

комиссиялар аъзоларининг услубий тайёргарлигини ташкил этиш, мажбуриятларни улар ўртасида тақсимлаш ва тасдиклаш;

муддатли ҳарбий хизматга чақирилган ҳарбий хизматчиларни ҳарбий қисмларга юбориш жараёнида йўл ҳаракати хавфсизлигини таъминлаш учун барча хавфсизлик чораларини кўриш, шунингдек, чақирилувчиларнинг йиғиш ва чакирув пунктларига ўз вақтида етиб келишлари юзасидан ички ишлар органлари билан ҳамкорликда тадбирларни ташкил этиш;

давлат ва жамоат ташкилотлари билан ҳамкорликда ҳарбий хизматга чақириш тизимида амалга оширилаётган ислохотлар, бу борада амалга оширилаётган ишлар тўғрисида муддатли ҳарбий хизматга чақирилаётган чақирилувчилар ва аҳоли ўртасида тушунтириш ишларини ташкил этиш;

муддатли ҳарбий хизматга чақирилаётган ёшлар билан Амир Темур, Жалолиддин Мангуберди, Заҳириддин Муҳаммад Бобур каби буюк саркардаларимиз ва улуғ аجدодларимиз ҳақида давра суҳбатларини ташкил этиш;

чакирув ва йиғиш пунктлари учун буюк саркардаларимиз Амир Темур, Заҳириддин Муҳаммад Бобур ва Жалолиддин Мангуберди жасоратларини намоён этувчи, Темур тузуклари ва шу каби бошқа тарихий асарлар тўғрисида чақирилувчилар тушунадиган талкинда кўргазмали баннерлар тайёрлаш, чоп этиш ва тарқатиш ишларини ташкил этиш;

тегишли вазирликлар, идоралар ва жамоат ташкилотлари билан ҳамкорликда муддатли ҳарбий хизматга чақирилган ва резервга бўшатишган ёшлар ўртасида ҳарбий хизматчиларга бериладиган имтиёзлар тўғрисида тушунтириш ишларини ташкил этиш;

ёшларни ҳарбий-ватанпарварлик руҳида тарбиялаш, уларда фаол фуқаролик позицияси, мамлакатимизнинг келажаги ва тақдири учун жавобгарлик ҳисси, Қуролли Кучлар билан фахрланиш, ҳарбий хизматга бўлган ҳурмат, шунингдек, Ватанга чуқур муҳаббат ва садоқат туйғусини шакллантириш бўйича тарғибот-ташвиқот материаллари, кўргазмали баннерлар, кичик ҳажмдаги рисоалар ва тарқатма буклетлар тайёрлаб, йиғиш ва чакирув пунктларини жиҳозлаш ишларига жавобгардир.

Раҳбарият кенгаши қонун ҳужжатларига мувофиқ бошқа мажбуриятларни ҳам олиши мумкин.

#### 14. Ҳарбий-тиббий комиссия:

худудий тиббий комиссия томонидан тиббий кўрик натижаларига кўра қабул қилинган ҳулосаларни кўриб чиқиш ва бекор қилиш;

ҳар бир фуқаронинг соғлиги бўйича қабул қилинадиган қарор ва ҳулосаларга нисбатан ўз фикрини билдириш;

тиббий кўрик ҳулосаларига кўра чақирилувчиларни қўшимча текширувга юбориш ҳуқуқига эга.

Ҳарбий-тиббий комиссия қонун ҳужжатларига мувофиқ бошқа ҳуқуқларга ҳам эга бўлиши мумкин.



### 15. Ҳарбий-тиббӣ комиссия:

фаолиятини бошлашдан аввал шифокорлар хоналарининг санитар коидалари, нормалари ва гигиена нормативлари талабларига мувофиқлиги, тиббӣ жиҳоз ва ускуналарнинг мавжудлиги, уларни ишлатилиш ҳолатини, дори воситалари ва тиббӣ буюмлар борлигини кўздан кечириш;

Раҳбарият кенгашига чақирилувчилар тиббӣ ҳужжатлари ҳамда касаллик тарихидан кўчирмалар, руҳий-асаб касалликлари, наркологик, теританосил диспансерлари, ОИТСга қарши кураш ва санитария-эпидемиология осойишталиги, фтизиатрия ва пульмонология марказларидан рўйхатлар ўз вақтида тақдим этилишини таъминлаш;

чақирилувчиларни чуқурлаштирилган тиббӣ кўрикдан ўтказиш ва уларнинг соғлиги даражаси бўйича ҳарбий хизматга яроқлилиги юзасидан яқуний тиббӣ хулоса бериш;

чақирилувчиларни даволаш ёки қўшимча тиббӣ текширувлар ўтказиш учун йўллаш, шунингдек, уларнинг даволаниш ва қўшимча текширувлардан ўз вақтида қайтиб келишларини назорат қилиш;

шифокор-мутахассислар томонидан чақирилувчининг ҳарбий хизматга яроқлилиги, шунингдек, даволаш ёки қўшимча тиббӣ текширувлар ўтказиш учун чакирувни кечиктириш бўйича чақирилувчиларнинг ҳисоб варақаларига киритилган ёзув ва хулосаларнинг тўғрилигини текшириш ва яқуний хулоса қабул қилиш;

Раҳбарият кенгашига ҳудудий тиббӣ комиссияларнинг чақирилувчиларни тиббӣ кўрикдан ўтказиш жараёнида аниқланган камчиликлар юзасидан ахборот ёки маълумот бериш ва уларни бартараф этиш тадбирларини қўллаш;

тиббӣ кўрикдан ўтказиш ишларини сифатли ташкил этиш мақсадида шифокор - мутахассислар билан услубий-амалий машғулотлар ўтказиш;

чақирилувчиларни тиббӣ кўрикдан ўтказиш натижалари бўйича ҳисобот тайёрлаш ва Раҳбарият кенгашига, соғлиқни сақлаш бирлашмасига ҳамда муҳофаа ишлари бошқармасига тақдим этиш ишларига жавобгардир.

### 16. Бутлаш комиссияси:

ҳар бир чақирилувчига нисбатан уларни қўшин турларига тайинлаш бўйича қарор қабул қилиш жараёнида ўз фикрини билдириш;

тегишли идоралар, маҳаллий ижро этувчи ҳокимият органлари ва жамоат ташкилотлари билан ўзаро ҳамкорликни ташкил этиш ҳуқуқига эга.

Бутлаш комиссияси қонун ҳужжатларига мувофиқ бошқа ҳуқуқларга ҳам эга бўлиши мумкин.

### 17. Бутлаш комиссияси:

комиссия фаолияти ҳамда қарор қабул қилиш жараёнида бевосита иштирок этиш;

ўз фаолиятининг ошқоралиги, фуқаролар учун очиклиги, улар томонидан қабул қилинаётган қарорларнинг ҳолислигини таъминлаш;

чакирув пунктларини чакирув тадбирларини ўтказиш учун тайёрлашда мудофаа ишлари бўлимларига амалий ёрдам кўрсатиш;

муддатли ҳарбий хизматга чакирилган ҳарбий хизматчиларни йиғиш пунктига юбориш жараёнида йўл ҳаракати хавфсизлигини таъминлаш учун барча хавфсизлик чораларини кўриш, шунингдек, чакирилувчиларнинг чакирув пунктига ўз вақтида етиб келишлари юзасидан ички ишлар органлари билан ҳамкорликда тадбирларни ташкил этиш;

ҳарбий хизматга чакириладиган чакирилувчиларни ҳарбий қисмларга тантанали равишда кузатиш, резервга бўшатиш ёшларни яшаш жойларида тантанали кутиб олиш бўйича ўтказиладиган тадбирларини юқори савияда ташкил этиш ва ўтказиш ишларида фаол иштирок этиш ва амалий ёрдам бериш;

муддатли ҳарбий хизматга чакириладиган ёшлар билан Амир Темур, Жалолиддин Мангуберди, Заҳириддин Муҳаммад Бобур каби буюк саркардаларимиз ва улуғ аجدодларимиз ҳақида давра суҳбатларини ташкил этиш;

давлат ва жамоат ташкилотлари билан ҳамкорликда муддатли ҳарбий хизматга чакириладиган чакирилувчилар, резервга бўшатиш ёшлар ва аҳоли ўртасида ҳарбий хизматга чакириш тизимида амалга ошириладиган ислохотлар, ҳарбий хизматчиларга бериладиган имтиёзлар тўғрисида тушунтириш ишларини ташкил этиш ишларига жавобгардир.

#### 18. Худудий комиссия:

чакирилувчиларни муқобил хизматга чакириш, сафарбарлик чакируви резерви хизматида олиш, ҳарбий хизматга чакиришни кечиктириш ва Ўзбекистон Республикаси Қуролли Кучлари заҳирасига ўтказиш учун қабул қилинадиган қарорларга нисбатан ўз фикрини билдириш;

фуқароларнинг чакирувга оид мурожаатларини кўриб чиқиш ва тегишли қарор қабул қилиш ҳуқуқига эга.

Худудий комиссия қонун ҳужжатларига мувофиқ бошқа ҳуқуқларга ҳам эга бўлиши мумкин.

#### 19. Худудий комиссия:

комиссия фаолияти ҳамда қарор қабул қилиш жараёнида бевосита иштирок этиш;

ўз фаолиятининг ошқоралиги, фуқаролар учун очиклиги, улар томонидан қабул қилинадиган қарорларнинг ҳолислигини таъминлаш;

чакирув пунктини чакирув тадбирларини ўтказиш учун тайёрлаш;

комиссиялар аъзоларининг услубий тайёргарлигини ташкил этиш, мажбуриятларни улар ўртасида тақсимлаш ва тасдиқлаш;

муддатли ҳарбий хизматга чакирилган ҳарбий хизматчиларни ҳарбий қисмларга юбориш жараёнида йўл ҳаракати хавфсизлигини таъминлаш учун барча хавфсизлик чораларини кўриш, шунингдек, чакирилувчиларнинг йиғиш ва чакирув пунктларига ўз вақтида етиб келишлари юзасидан ички ишлар органлари билан ҳамкорликда тадбирларни ташкил этишда амалий ёрдам кўрсатиш;

маҳаллий ижро этувчи ҳокимият органлари ва жамоат ташкилотлари билан ҳамкорликда ҳарбий хизматга чақириладиган чақирилувчиларни ҳарбий қисмга кузатиш, резервга бўшатиш ёшларни яшаш жойларида тантанали кутиб олиш тадбирларни юқори савияда ташкил этиш;

чақирув пунктида буюк саркардаларимиз Амир Темур, Заҳириддин Муҳаммад Бобур ва Жалолиддин Мангуберди жасорати, Темур тузуклари ва шу каби бошқа тарихий асарлар тўғрисида чақирилувчилар тушунадиган талқинда кўргазмали баннерлар тайёрлаш ва чақирув пунктини жиҳозлаш;

чақирув тадбирлари жараёнида ташкил этилган комиссиялар иш фаолияти, шунингдек, чақирувчиларни тиббий кўрикдан ўтказиш учун барча шароитларни яратиш ишларига жавобгардир.

#### 20. Ҳудудий тиббий комиссия:

чақирилувчиларни тиббий кўрикдан ўтказиш жараёнида қўшимча текширувга юбориш;

ҳар бир фуқаронинг соғлиги бўйича қабул қилинадиган қарор ва ҳулосаларга нисбатан ўз фикрини билдириш ҳуқуқларига эга;

Ҳудудий тиббий комиссия қонун ҳужжатларига мувофиқ бошқа ҳуқуқларга ҳам эга бўлиши мумкин.

#### 21. Ҳудудий тиббий комиссия:

фаолиятини бошлашдан аввал шифокорлар хоналарининг санитар қоидалари, нормалари ва гигиена нормативлари талабларига мувофиқлиги, тиббий жиҳоз ва ускуналарнинг мавжудлиги, уларни ишлатилиш ҳолатини, дори воситалари ва тиббий буюмлар борлигини кўздан кечириш;

чақирилувчиларни бирламчи тиббий кўрикдан ўтказиш ва уларнинг соғлиги даражаси бўйича ҳарбий хизматга яроқлилиги юзасидан тиббий ҳулоса бериш;

бутлаш комиссияси ва ҳудудий комиссиясига чақирилувчилар тиббий ҳужжатлари ҳамда касаллик тарихидан кўчирмалар, руҳий-асаб касалликлари, нарколептик, тери-таносил диспансерлари, ОИТСга қарши кураш ва санитария-эпидемиология осойишталиги, фтизиатрия ва пульмонология марказларидан рўйхатлар ўз вақтида тақдим этилишини таъминлаш;

шифокор-мутахассислар томонидан чақирилувчиларнинг ҳисоб варақаларига ёзув ва ҳулосаларни киритиш;

чақирилувчини даволаш ёки қўшимча тиббий текширувлар ўтказиш учун йўллаш, шунингдек, уларнинг даволаниш ва қўшимча текширувлардан ўз вақтида қайтиб келишларини назорат қилиш;

чақирилувчиларни тиббий кўрикдан ўтказиш ишларида аниқланган камчиликлар юзасидан ҳудудий комиссияга ахборот бериш ва уларни бартараф этиш тадбирларини қўллаш;

чақирилувчиларни тиббий кўрикдан ўтказиш натижалари бўйича ҳисобот тайёрлаш ва ҳудудий ҳамда бутлаш комиссиясига тақдим этишга жавобгардир.

**4-боб. Фуқароларни муддатли ҳарбий ва муқобил хизматларга чақириш, сафарбарлик чақируви резервидаги хизматга олиш бўйича комиссия фаолиятини ташкил этиш тартиби**

22. Раҳбарият кенгашининг раиси ва аъзолари Куролли Кучлар сафини янгидан чақирилаётган муддатли ҳарбий хизматчилар билан ўз вақтида сифатли бутлаш учун масъулдир.

23. Раҳбарият кенгаши, ҳарбий-тиббий комиссия, бутлаш комиссияси ва ҳудудий тиббий комиссия фаолияти Раҳбарият кенгаши раиси томонидан тасдиқланган жадвалга мувофиқ ташкил этилади.

24. Раҳбарият кенгаши ва бутлаш комиссияси ўз ишини чақирилувчиларнинг шахсий ҳужжатлар йиғмажилдларини ўрганишдан бошлайди.

Чақирилувчини тиббий кўрикдан ўтказиш ҳулосаси, унинг маънавий ва касбий хусусиятлари, оилавий ва моддий шароити, оила аъзоларининг ижтимоий ҳолатини ўрганиш натижаларига мувофиқ Раҳбарият кенгаши ва бутлаш комиссияси томонидан уларни қўшин тури бўйича командаларга тайинлаш ишлари амалга оширилади.

25. Раҳбарият кенгаши ва бутлаш комиссияси томонидан жамоавий тарзда қабул қилинган қарорлар Раҳбарият кенгаши ва бутлаш комиссияларининг “Қабул қилинган қарорлар китоби”да тааллуқлилиги бўйича белгиланган тартибда комиссия котиби томонидан қайд этилади ва Раҳбарият кенгаши ва бутлаш комиссияси томонидан имзоланади.

26. Бутлаш комиссияси раиси томонидан чақирилувчиларни муддатли ҳарбий хизматга чақириш ишларининг якуни бўйича ахборот тайёрланади ва Куролли Кучларни бутлаш ишлари якунланганидан сўнг беш кун муддат ичида Раҳбарият кенгашига тақдим этилади. Раҳбарият кенгаши эса ўн кун муддат ичида ахборотни Ўзбекистон Республикаси Мудофаа вазирлигига тақдим этади.

27. Ҳудудий комиссия фаолияти комиссия раиси томонидан тасдиқланган жадвалга мувофиқ ташкил этилади ва амалга оширилади.

28. Ҳудудий комиссия ўз ишини чақирилувчиларнинг шахсий ҳужжатлар йиғмажилдларини ўрганишдан бошлайди.

29. Чақирилувчини тиббий кўрикдан ўтказиш ҳулосаси, унинг маънавий ва касбий хусусиятлари, оилавий, моддий шароити, оила аъзоларининг ижтимоий ҳолатини ўрганиш натижаларига мувофиқ ҳудудий комиссия қуйидаги қарорлардан бирини қабул қилади:

ҳарбий хизматга яроқлилиги ва сафарбарлик чақируви резервидаги хизматга тайинлаш тўғрисида;

ҳарбий хизматга яроқлилиги ва муқобил хизматга чақириш тўғрисида;

саломатлигига кўра ҳарбий хизматга вақтинча яроқсизлиги тўғрисида;

чақирилиш муддатини белгиланган тартибда кечиктириш ёки ҳарбий хизматга чақирилишдан озод қилиш тўғрисида;

йигирма етти ёшга етганлиги муносабати билан Қуролли Кучлар захирасига ўтказиш тўғрисида;

саломатлигига кўра тинчлик даврида ҳарбий хизматга яроксизлиги, уруш давридаги ҳарбий хизматга чекланган тарзда яроклилиги ва захирага ўтказиш тўғрисида;

ҳарбий хизматга яроксиз деб топиб, ҳарбий рўйхатдан чиқариш тўғрисида.

Худудий комиссия томонидан жамоавий тарзда қабул қилинган қарорлар “Худудий комиссия баённомалари китоби”да комиссия қотиби томонидан қайд этилади. Мазкур китоб ҳамда қақирилувчилар шахсий ҳужжатлари йиғмажилдидаги тегишли саҳифа худудий комиссия раиси ва аъзолари томонидан имзоланади.

Худудий комиссия раиси томонидан қақирилувчиларни муқобил хизматга қақирш, сафарбарлик қақирuvi резерви хизматига олиш, ҳарбий хизматга қақиршни кечиктириш ва Ўзбекистон Республикаси Қуролли Кучлари резервига ва захирасига ўтказиш ишларининг якуни бўйича ахборот тайёрланиб, ўн кун муддат ичида тегишли туман (шаҳар) ҳоқимиға, мудофаа ишлари бўлими томонидан тегишли мудофаа ишлари бошқармасига тақдим этади.

#### **5-боб. Якунловчи қоидалар**

30. Фуқароларни муддатли ҳарбий ва муқобил хизматларга қақирш, сафарбарлик қақирuvi резервидаги хизматга олиш бўйича комиссиялар аъзоларининг (контракт бўйича ҳарбий хизматчилар бундан мустасно) доимий иш жойи (лавозими) ва ўртача ойлик иш ҳақи улар мазкур Низомда белгиланган мажбуриятларини бажарадиган бутун давр мобайнида сақлаб қолинади.

31. Бутлаш комиссияси, ҳарбий-тиббий комиссия ҳамда худудий тиббий комиссия қарори ва ҳулосасидан норози бўлган қақирилувчилар ва уларнинг ота-оналари Раҳбарият кенгашиға, шунингдек, белгиланган тартибда судга шикоят қилиши мумкин.

32. Мазкур Низом талабларининг бузилишида айбдор бўлган шахслар қонунчиликда белгиланган тартибда жавобгар бўлади.

Фуқароларни муддатли ҳарбий ва муқобил  
хизматларга чақириш, сафарбарлик чақирuvi  
резервидаги хизматга олиш бўйича комиссиялар  
фаолиятини ташкил этиш тартиби тўғрисида низомга  
илова

**Фуқароларни муддатли ҳарбий ва муқобил хизматларга чақириш, сафарбарлик чақирuvi  
резервидаги хизматга олиш бўйича комиссиялар фаолиятини ташкил этиш**

**СХЕМАСИ**

Боскичлар	Субъектлар	Тадбирлар	Муддати
1-боскич	Худудий тиббий комиссия (туман (шаҳар) миқёсида)	1. Чақирилувчиларни бирламчи тиббий кўрикдан ўтказиш. 2. Соғлиги даражаси бўйича ҳарбий хизматга яроқлилиги юзасидан тиббий хулоса бериш.	15 февралдан 30 апрелгача
2-боскич	Бутлаш комиссияси (туман (шаҳар) миқёсида)	1. Муддатли ҳарбий хизматга юбориш учун тавсия этилган ва худудий тиббий комиссия томонидан ҳарбий хизматга яроқли деб топилган чақирилувчилар билан суҳбат ўтказиш, соғлиги даражаси, жисмоний тайёргарлиги, фикрлаш қобилияти ва бошқа хусусиятларини ўрганиш. 2. Қўшин турларига тайинлаш бўйича қарор қабул қилиш.	15 февралдан 30 апрелгача
3-боскич	Худудий комиссия (туман (шаҳар) миқёсида)	1. Муддатли ҳарбий хизматга юбориш учун тавсия этилмаган ҳамда танлов тадбирларида қатнашмаган чақирилувчилар билан худудий тиббий комиссия томонидан берилган хулоса асосида суҳбат ўтказиш. 2. Чақирилувчилар бўйича қуйидаги қарорлардан бирини қабул қилиш: муқобил хизматга чақириш; сафарбарлик чақирuvi резерви хизматида олиш; ҳарбий хизматга чақиришни кечиктириш; Ўзбекистон Республикаси Қуролли Кучлари захирасига ўтказиш.	1 мартдан 30 апрелгача
4-боскич	Ҳарбий тиббий комиссия (вилоят миқёсида)	1. Бутлаш комиссияси томонидан қўшин турларига тайинланган чақирилувчиларни чуқурлаштирилган тиббий кўрикдан ўтказиш. 2. Чақирилувчиларнинг соғлиги даражаси бўйича ҳарбий хизматга яроқлилиги юзасидан якуний тиббий хулоса бериш.	20 февралдан 30 апрелгача
5-боскич	Раҳбарият кенгаши (вилоят миқёсида)	1. Якуний тиббий хулоса асосида ҳарбий хизматга яроқли чақирилувчиларнинг жисмоний тайёргарлиги, фикрлаш қобилияти, тафаккури, фидойилиги, қизиқишлари ва бошқа хусусиятларини инобатга олган ҳолда, улар қўшин турларига тўғри тайинланганлигига баҳо бериш. 2. Қуролли Кучлар қўшин тури бўйича командаларга тайинлаш. 3. Чақирилувчиларни муддатли ҳарбий хизматга чақириш.	20 февралдан 30 апрелгача

Вилоят ҳокимининг  
2020 йил 09 мартдаги  
93к - сон қарорига  
2-илова

Фуқароларни муддатли ҳарбий ва муқобил хизматларга  
чақириш, сафарбарлик чақируви резервидаги  
хизматга олиш бўйича Раҳбарият кенгаши  
ТАРКИБИ

Н.Кадиров	-	ШҲҲО кўшинлари қўмондонининг ўринбосари, вилоят ҳарбий-маъмурий сектор раҳбари ўринбосари - <i>кенгаш раиси</i>
<i>Кенгаш аъзолари</i>		
Р.Жумаев	-	вилоят мудофаа ишлари бошқармаси бошлиғи
С.Рахимов	-	Вилоят ички ишлар бошқармаси бошлиғининг ўринбосари
А.Ортиқов	-	Миллий гвардиянинг вилоят бўйича бошқармаси бошлиғининг ўринбосари
М.Қодиров	-	9115-ҳарбий қисм кадр ва тарбиявий ишлар бўлими хизмат бошлиғи
Ғ.Аловуддинов	-	Вилоят фавқулодда вазиятлар бошқармаси бошлиғининг ўринбосари
А.Бахронов	-	ШҲҲО ташкилий-сафарбарлик бошқармаси бошлиғи
<i>Кенгаш котиби</i>		
М.Эшчанов	-	53008-ҳарбий қисм фельдшери

Изоҳ: Раҳбарият кенгаши таркибидаги шахслар хизмат зарурияти сабабли бошқа  
ишга ўтган ҳолларда унинг ўрнига тайинланган шахс мазкур таркибга киритилади.

Вилоят ҳокимининг  
2020 йил 09 мартдаги  
93к - сон қарорига  
3-илова

Вилоят ҳарбий-тиббий комиссияси  
ТАРКИБИ

Ш.Эшонкулов	-	Ўзбекистон Республикаси Мудофаа вазирлиги МХКГ жадал даволаш бўлинмаси катта ординатори, <i>комиссия раиси</i>
<i>Комиссия аъзолари</i>		
Г.Аметов	-	Ўзбекистон Республикаси Мудофаа вазирлиги МХКГ жаррох шифокори
Х.Кутлиев	-	Ўзбекистон Республикаси Мудофаа вазирлиги МХКГ ички касалликлар шифокори
Х.Турдалиев	-	Ўзбекистон Республикаси Мудофаа вазирлиги Қарши ҳарбий госпитали асаб касалликлари шифокори
Р.Қурбонов	-	Вилоят соғлиқни сақлаш бошқармаси ЛОР шифокори
Г.Хайитбоева	-	Вилоят соғлиқни сақлаш бошқармаси офтальмолог шифокори
С.Назарова	-	Вилоят соғлиқни сақлаш бошқармаси психиатри